

C.

De historie van lanslot vnd van die schone Sandryn.

Hier begynt eyn genoechliche
ind schoen historie van den edelen
Lanslot ind die schone Sandrine.

Lanslot.

Och got here, wie mach dat syn,
Dat ich die schone sandryn
Alsus ym hertzen hadde besessen,
Vnd mir so sere wart verwissen
Van mynre moder alle dage, 5.
Dat ich myn lieffde soe neder drage.
Des hoer ich so mennich spitich wort.
Och, yr lieffde hait mich so seer doerbort
Myn hertz, dat ich sy niet gelaiassen en kan;
Jch moiss oer spreken al tzo hantss, 10.
Als ich sy mit ougen an schouwen,
Des soe hefft myn moder groissen rouwen.
Jch wil wachten die junffrauwe myn,
Want sy is seer edell vnd fyn,
Vnd sy sall her komen balde gayn, 15.
Na dat sy myr hait doin verstein,
Vnder diesen egelentier,
Dair sal sy komen schier,
Dat weiss ich wail in diesem bomgart.

Sandrine.

Och edel ritter van hoger art, 20.
Got, der alle dinck vermach,
Die moiss vch geuen goeden dach,
Edel ritter van hertzen vrij.

Lanslot.

O schone maget, got sy vch by
 Jnd moiss vch vnd myr bewaren 25.
 Jnd alle tzijt van quaden sparen,
 Sonderlinge van falschen tzongen,
 Als dat niet en wert gesongen,
 Van vns beyden einich quaet.
 O sandrine, nu geuet myr rait, 30.
 Want myn hertss is myr tzo mail vngestalt
 Jnd van vrer lieffden gequelt,
 Dat idt myr kosten sal myn lijff.
 O sandrine, wail schone wijff,
 En mach ich vch niet gewellichich syn 35.
 Jdt sal myr kosten dat leuen myn
 Jnd sal ewelich blyuen verloren.

Sandrine.

O edel ritter, hoge geboren,
 Dat en mach vch nummermer geschien.
 Here lanslot, is dat ich vch gerne seyn, 40.
 Jch en byn niet vres geliche:
 Yr syt myr tzo hoge geboren vnd tzo riche,
 Jnd tzo neder byn ich tzo wesen vr wijff:
 Dairumb so moiss dyt syn eyn blijff,
 Jnd ich en wil syn geyns mans vrundjnne, 45.
 Al yst, dat ich vch mit hertzen minne.
 Al wair die koninck ind krone vch
 So en mochtet so niet wesen verdient
 Dat ich tzo einich man wil staen.

Lanslot.

O schone maget wail gedain, 50.
 Al deyt yr ouch die wille myn,
 Wysset, visserkoren Sandryn,
 Den bleyfft ouch vngeloent niet,
 Want misseliche dynges synt geschiet:
 Yr moecht noch werden myn frauwe. 55.
 Seyt myr genadich vnd getrowe
 Vnd komet mit myr in dyt casteel,
 Jch wil vch geuen eyn iuweel,
 Jch meyn, yr nye des gelichs en saecht:
 Kome mit myr, schone maecht. 60.

Sandrine.

Och des dancke ich gode van dem throne;
 Al woldet yr mich geuen tzo loene
 Vyl dusent marck van golde roit,
 Hoech geboren, wail edel genoit,
 Nochtann wolde ich halden myn eer, 65.
 Lanslot hoich geboren heer.
 Al en byn ich niet rich van hauen,
 Nochtantz byn ich van groisse magen,
 Nochtantz meyn ich mich also tzo huden,
 Dat ich niet en worden beschouden: 70.
 Jeh en wil wesen geyns mans vrundjnne
 Mer ich wil gerne gerechte mynne
 Dragen sonder dorper mynne in dyn.

Lanslot.

O Sandrijn, by der maget marien,
 Dorperheit en legget ich vch niet tzo voren, 75.
 Want dair en ys gheyn wijff geboren,
 Vndes des hemels throne,
 So rych so mechtich noch so schone,
 Die mich verhoegen mach dan yr.
 O sandryn, wolde nu myr 80.
 Laiszen dit verdries vnd karmen
 Vnd en sal vch myner niet vntbarmen,
 Dat ich troist van vch mach entfaen
 Jnd mit myr wolde spelen gaen!
 Hier neder in dyt groene dal, 85.
 Dair die vogel en machen geschal.
 Jnd die bloemgens stain vnd groen,
 Schone maget, al sunder misdoen
 Jnd ouch sunder doerfferheit?

Sandrine.

Lanslot her, dit dicke gescheit: 90.
 By licht tzo gelouen is mennich bedrogen,
 Dat is waer vnd niet gelogen:
 Want idt is mennich weruen gesien
 Van den mennigen ind ouch geschien,
 Vmb dat sy die mans so wail betrouwen, 95.
 Dat ym namals seer doit rouwen
 Als die dinge waren geschiet.
 Jeh en weiss den vp der erden niet,
 Die ich soe verre berouwen solde,

Ginck ich mit ym spelen in den walde, 100.
 He solde mit myr doen syn geriess.

Lanslot.

Dairtzo so haue ich vch tzo lieff,
 Sandrine, wail schone wijff,
 Dat ich vntreyne solde vr lijff.
 Wail schone maget, hed ich die macht, 105.
 Also en was ich nie bedacht,
 Dat ich vch doin solde eynige schande,
 Al hadde ich vch bynnen mynen lande,
 Sandrine, wail visserkoren hertze myn.

Sandrine.

Her lanslot, wyr syn tzo lange hier, 110.
 Vns mochte yemant horen off seyn.
 Die nidere synt altzijt vmb tzo verspien,
 Off sy yemant tzo schande mochte brengen.
 Eyn verreder hedde lieuer quaet tzo syngen
 Dan guyt, want id ys syn nature. 115.
 Wyr willen scheyden tzo dieser vre,
 Dat ym niemant an vns en stoet.
 Hoich geboren wail edel gnoet,
 Got vnse here moiss vch bewaren
 Jnd altoes tzo doechden sparen, 120.
 Ergens waer dat yr heuen keert.

Lanslot.

Och nu blyuet myn hertze bedroeuert
 Vmb die schone sandrine,
 Sy en wilt niet doen den willen myn:
 Des moiss ich drouich syn al min dage. 125.
 Want wat ich karme off wat ich clage,
 Sie en wil niet mer mit gaen int woult:
 Sy mynt haer eer voir enich golt,
 Dat hoer ich wail an yr gelaet,
 Want sy lefft in eyn reine staet. 130.
 Jnd yr hertze is so reyael,
 By myner ritterschaff ich wilde wail,
 Dat sy geboren wer myns geliche,
 Al en wer sy van haven niet so riche,
 Jch solde sie machen myn wijff. 135.
 Sy hefft eyn soe reynen lijff
 Jnd yr hertze is so vol ereu,

Sy en wil yr tzo myr niet keren,
Des lyt myn hertze rouwe groit.

Lanslots moder.

Van denmaecken lanslot, 140.
Jeh hebbe vch wail hoeren vryen,
Dat segge ich vch by sente marien,
Jdt hait wonder bouen maissen,
Dat yr vch aldus qualich gaet saten
Jnd legge vre lieffde vp sandrine: 145.
Des haue ich rouwe int hertze mijn,
Dat yr lieff hait soe nederen wijff.

Lanslot.

Och moder, sy hait so reynen lijff,
Jnd yr hertze ys so pynoes
Jnd is van lijue so gratioes, 150.
Dat ich sy lieff hauen moet.
Myn hertze brent myr vnd myn bloet,
Als ich sy mit ougen an schouwe,
Lieuue moder, lieue frauwe,
Jeh moiss sy lieff hain, wat myns geschiet. 155.

Die moder.

O lanslot, ich wil, dat yr vch bas besiet,
Eer yr vch soldet verhangen an sandrine,
Jch sage vch by der truwe myn,
Dat en sall nummerme geboeren,
Al solde ich sy mit mynen handen schoeren. 160.
En dencket yr niet, wan yr syt geboren,
Myn lieue son, myn visserkoren,
Wilt doch lieff hain vres gelich!

Lanslot.

Jch en weiss geyn wijff in christenrich,
Die ich wolde hain vur sandrin 165.
Jch wolde, dat die mocht myn eygen syn,
Lieuue moder met vren danck.
Al weer die werlt an myr belanck,
So wolde ich wail, dat sy were myn wijff.

Die moder.

Tfy vch der schanden, wal vuyl kaytiff, 170.
Dat yr also neder vryt,

Ind men so schone junffrauwen vynt
Van hoeger geboerte ind ouch geslechte.

Lanslot.

Och lieue moder, der lieffden crachte
An syet niet hoch geboren noch rich van gude. 175.
Mer sy soecht gelicheit van mode,
Die beyde syn van eynen wesen.
Jch haue duck wijl horen lesen,
Dadt idt lycke lieffde soecht vrs geliche.
Al is die eyne arm die ander riche, 180.
Die edel lieffde doit yr werck.
Gerechte lieffde hait geyn myreck
Van richeit noch van hocheit der magen:
Dat hebbe ich duck wijl horen sagen.
Mer id komet al by gelicheit, 185.
Dat die edel lieffde gyfft haesticheit,
Sy en ansiet geyn hochgeboreneheit.

Die moder.

Dat is waer, soen, nu wilt mich horen.
Jd is duck wijl wail geschien,
Dat men vmb die lieffde deyt vil geschien. 190.
Mer dat were al tzo groisse schande,
Want yr die beste syt van den lande,
Dat yr sult lieff hauen soe slechten wijff.
Laisit dieser dyngen syn eyn blijff.
Mer wilt yr sy hauen tzo vrem wille, 195.
Jch sal sy vch doen hebben al stille
Vp vrer kamer, her ridder wert,
Vnd doit dan dar mede, wat yr begert:
Mer eyn dinck moist yr myr louen.

Lanslot.

Fraw moder, by sent Symeon, 200.
Wat yr begert, wil ich vch louen,
Vp dat ich mit der macht mach houen
Vp myner kamer ich vnd sy.

Die moder.

Here lanslot kynt, so loeffde myr
By vrer ritterschaff vnd vp vre trouwe, 205
Als yr mit sandrine der junffrauwen
Hait gedain al vre genoichde,

So sult yr sagen ,ich hain vrer genoich,
 Sandrine, ich byn vrer sat
 Vnd van hertzen also mat, 210.
 Al hedde ich eynen baeck gegessen.
 Dat en solde vmmers niet vergessen,
 Yr sult spreken diese wort,
 Vnd dan solde rechte vort
 Vmme keren alle die nacht 215.
 Vnd slayffen soete vnd sacht
 Vp vre kamer vnd swygen al stille.

Lanslot.

Och lieue moder, is dyt vre wille,
 Dat ich spreche dit dorper wort,
 Des gelichs en haue ich nie gehoirt, 220.
 Wat mach vch hier mede beholpen syn,
 Dat ich dat solde tzo sandryn,
 Spreken mit mynem mont
 Jnd lyggen dan vort als eyn hont,
 Al sonder spreken als eyn kaytijff? 225.
 Wat solde dan gedencken dat reyne wijff,
 Als ich die dorperheit begonste,
 Want ich dragen yr so fruntliche gonste?
 Dat soldet myn hertze sere deren.

Die moder.

Lanslot, dit ys myne begeren: 230.
 Solde sy hauen in vrer gewalt,
 Dat ys, dat yr myr dyt beuelen sult.

Lanslot.

Fraw moder, doit sy myr komen dan,
 Jch loue vch hier by sente johan
 Jch sal doen, des yr begert. 235.
 Die mennich sprechet, he en meynes niet,
 Al der gelike is meer geschiet.
 Want al spreche ich mit den monde,
 Jch en sal id niet meynen mit den gronde.
 Want ich gaen haer alle docht, 240.
 Dus bidde ich gode den ouersten voech,
 Dat sy niet quelich nemen en moit,
 Sy is soe edel vnd so guyt,
 Vnd is dat syt qualiken nemt,
 Vnd yr hertze van myr keirt, 245.

So blyfft myn hertze in pyne staen.
 Moder, nu will ich hyn gaen
 Vnd verbeyden vp die kamer myn,
 Dat niemant sal gayn dair in,
 So dat yr myr brenget die schone Sandrijn. 250.

Hier na volget wie die moder van die edele here Lanslot vnd tzo die schone Sandryne gienc vnd verrede yr.

(Hier folgt ein Holzschnitt.)

Die moder.

Do gienc die moder tzo der maget
 Vnd sprach yr tzo all vnuertzaget:
 O sandrine, myn vissuerkoren,
 Jch bidde vch, wilt na mich horen,
 Van des ich vch val doin verstain. 255.

Sandrine.

O edel frauwe, dat sy gedain,
 Nu saget, wat is vre begert.

Die moder.

O sandryn, dat mynre herten deert,
 Das moiss ich vch clagen myne noit.
 Hier is myn lieue kynt lanslot, 260.
 Die is mit groisser siecheden beuaen.
 Jch en weyss niet, wat ich an sal gain,
 Want he in dryn dagen niet en ass
 Noch myr niet eyn wort tzo en sprach,
 Jch en weiss niet wat ym mach syn. 265.
 Och wolde yr tzo ym gain, lieue sandrijn,
 Jnd besyen off yr in troisten mocht,
 Dat yr ym wat guetlichs sessen brocht.
 Jch seyn wail, dat he hefft in hertze verdriet.

Sandrine.

Och edel frauwe, wat yr gebiet, 270.
 Wort harde garne dan myr gedain
 Ma dat yr myr doet verstaen,
 Want myr waer leit, misquame ym yet.
 Die ym in tzijden wail versiet,
 Die mach in eren staende blyuen. — 275.

Die moder.

Alsus sal men eyn dinck bedryuen,
 Vmb eyn tzo brengen in den strick.
 Wer solde dat has gedain hauen dan ich?
 En hain ich dat niet wail bedacht,
 Dat ich sy int strick brenge mit losen rait? 280.
 Jch meyn, dat ich sy sal doin scheyden,
 Jch wyll sy gain sliessen vnder yn beyden
 Jn die kamer alle die nacht,
 So dat he syn wil hefft volbracht,
 Al spronge sy vp vnd neder. 285.
 Jch wedde, dat syr dair niet komt weder,
 Want als der wille is gedaen,
 Soe is die fruntschaff seer vergaen.
 Dit vpsat hait die moder gesocht,
 Jnd lanslot hait synen willen volbracht 290.
 Mit der maget vol suuerheden.
 Dairna sprach he dorper wort
 Jnd stelde ym tzo resten al die nacht,
 Als he syn moder loeffde soet ind sacht.
 Dit was van dem ritter eyn quaet bedrijff. 295.
 Nu horet van sandrine dat schone wijff
 Clageliche worden eyn kort bediet. —

Sandrine.

Och got, die ym cruytzen liet,
 Wat sal ich beginnen tzo dieser vre?
 O maria maget pure, 300.
 Wat valscher wijff is lanslot moder!
 Des byn ich nu wat tzo vroder,
 Dan ich gester auent was
 Want sy myr seker eyn letze las,
 Dat he mit siechden was beuaen, 305.
 Jnd bracht myr in den strick geuaen.
 Sy hait myr logenen so vil getelt
 Jnd brachte myr in lanslotens gewelt,
 Dat myr ewelich rouwen sal,
 Nochtantz so jammert mich bouen al 310.
 Die worde, die he sprach der ritter vry,
 Jnd kierde syn angesicht van my,
 Al hedde ich gewest eyn stynckende hont:
 Dat hain ich so vaste in mynen gront
 Jnd doet mynre hertzen also seer. 315.
 Jch meyn wail, dat ha nummermeer

Van myr sal wyssen clein noch groit.
 Jch wilt al laissen vnd gain rechte uort
 Dwolen in vremde lande.
 Jch bidde gode, dat he myr van schande 320.
 Decken wil, die ich hain vntfaen,
 Want idt is myr tegen mynen willen gedaen,
 Des is myr tzo mode herdewe.
 Lanslot, yr en syet mych nummerme,
 Jch wil gaen dwalen in die foreest. 325.
 O vader, o sone, o heylge geyst,
 Jch bidde vch, dat yr verwart myn lijff,
 Dat ich nummerme mannes wijff
 Warden moiss tzo mynre schande,
 Waer ich kome in eynigen landen, 330.
 Dat ich moiss blyuen, dye ich sy.
 Dat bidde ich maria, die maget vry,
 Die fonteyne van aller suuerheit,
 Dat myr nummerme dorperheit
 Geyn man tzo voren leggen en moet. 335.
 Des bidde ich maria dor yr oytmoit,
 Der werde moder vnd maget reyn.
 Jch sie gynder staen eyn fonteyn,
 Dair vp wil ich gaen vnd nemen rast.
 Jch hain so lange tziyt geuast, 340.
 Dat ich haue hunger vnd dorst,
 Jnd tzo drincken groisse lost,
 Dat ich idt niet langer kan gedragen.

Hier na volget, wie eyn ritter viss jagen reit vnd sach eyn schoen junf-
 frouwe vp eyner Fonteynen staen.

(Hier folgt ein Holzschnitt.)

Eyn ritter.

Nu got wolts, ich varen jagen.
 Jch bidde got van dem throne 345
 Jnd marien, die maget schone,
 Dat sy mich hude bewaren moet
 Jnd geuen myr gracie vnd spoit.
 Dat ich moiss jagen vnd vangen,
 Want ich sicher en vinck in langen: 350
 Des ich myr int hertze schoffiren.
 Jch en hain geiaget der dage vieren:
 Nochtantz en vienck ich nie kanyen.

Jch schams mich in dat hertze myn,
Dat myn arbeit so blyfft verloren. 355.

Jch sal blasen in myn horn

Jnd beseyn, off myr got beraden moicht,

By dem here, der myr gewrochte!

Jch seyn gyndir porren eyn wilt vpt vel,

Dair myn hertze is vp gestelt. 360.

Jch meyne, geyn man vp eynden dach

Schoenre wilt mit ougen nie en sach,

Dan ich seyn vp ghenre fonteyne,

Eyn schone maget vnd reyne.

Sy duncket myr wesen an yr gedain. 365.

Och here got, mocht ich sy vaen

So en wer myn arbeit niet al verlorn.

Jch wil noch eyns blasen myn horn

Jnd beseyn, wie sy yr bestellen sal.

O got, der her is bouen al, 370.

Der moiss myr geuen guyde aenture.

Dat ich diese schone creature

Geuangen mach tzo mynem wille. —

O schone maget, nu staet al stille,

Yr moist myn geuangen syn: 375.

Jch hain vch lieuer dan eyn euerswyn,

Al wart van fynem golde gewracht;

Jch dancke gode der schoenre jacht,

Dat ich huylde so vro vp stoent.

Sandrine.

Och edel ritter van pryse guyt, 380.

En doet myr doch geyn dorperheit:

Dat bidde ich vch dureh vre edelheit,

Dat yr myr gheyn dorperheit en bewijst;

Want id were vch seer tzo misprysen,

Wae yr quemt tzo eynigen houe, 385.

Want yr dunckt mich syn eyn ritter van loue:

Dairumb bidde ich vch edel geboren,

Dat yr myr niet en wilt misdoen

Jnd laist mich wesen, dye ich sy.

Die ritter.

O schone wijff, nu saget myr, 390.

Wan so quaemt yr in dit foreest.

Dat wondert myr in mynen geyst,

Dat ich vch vynde suss alleyne

Jn dyt voreest vp diese fonteyne.
 Wat is die sache, die vch let;
 Hait vch yemant dach gesat
 Dae yr schone wijff na wacht?
 He mochte syn van sulcher macht,
 Jch solde vch tzo noeder sprechen an.

Sandrine.

O edel ritter vmb geynen man
 En stae ich hier, wail hoge baroen.
 Het syn ander sachen, die id myn doen:
 Jch byn verdolt viss myner staet,
 Dair ich mit groissen eren sat
 Byn ich verdaillt ich en weiss niet waer.
 Des is myr tzo moede swaer.
 Jch en weiss niet wair ich hyn sal.
 Des clage ich gode myn vngeuall,
 Dat ich diese werlt dus moiss besoechen.

Die ridder.

Jch dancke gode der aenturen,
 Dat ich hude sus vroe vp stoent
 Jnd ich so schonen gemoet
 Vonden haue in mynre jacht.
 God hait vns tzo gader gebracht;
 Dat weiss ich wail tzo voren:
 Yr syt tzo mynre behoeff geboren.
 Want yr genoecht myr tzo male wael
 O schone wijff, vre schone tale,
 Dit genoecht myr altzo gader wael.
 Wyr sullen tzo gader machen spel.
 Nu komet mit myr in dat castell,
 Dat sulde hauen in vre beueel,
 Dae sal vre syn vnd myn.

Sandrine.

Her ritter nu laist vre tale syn.
 Des bidde ich vch vmb den rychen got
 Jnd en hait doch niet mit myr gespot:
 Al byn ich dus verdaillt al hier.

Die ridder.

O schone wijff, in der mynnen vier
 So leit myn hertz tzo mal en blaect.

Yr syt hoge vnd wael geraet, 430.
 Yr sult by myn ritterschaff syn myn wijff,
 Yr hait so edel schonen lijff.
 Vp dat dit vre wille sy vnd bequame,
 So bidde ich vch, saget myr vre name,
 Yr sult seker wesen myne frauwe. 435.

Sandrine.

Och edel ritter, is dat trouwe,
 So sal ich vch mynen namen lassen wissen.
 Sandrine so byn ich geheischen,
 Jnd myn vader heischt robbrecht
 Jnd was eyn wail geboren knecht 440.
 Jnd diende mit dem koninck van auernen.

Die ridder.

O schone junffrauwe, dat hoër ich gerne
 Dat yr van den schilde syt geboren,
 Edele maget vissuerkoren,
 Jch dancke got der seliger tziyt, 445.
 Dat yr hier nu gekomen syt,
 Jnd dat ich huide so vast niet en sliep.
 Jd was der engel, der id myr riet,
 Dat ich tzo wolde solde varen jagen.
 Myn ougen nie lieuer wijff sagen, 450.
 Yr sult sicher wesen myn frauwe.

Sandrine.

Her ritter, so wil ich dan syn
 Vch gerouwe vnd niet off gaen,
 Gehoirsam ind vnderdaen,
 Als eyn guyt wijff is schuldich yren man. 455.

Die ridder.

O schone maget so gaen wyr dan,
 Jch setze vch hier myn trouwe tzo pande.

Sandrine.

Nu gaen wyr dan in diese warande,
 Hier ritter, in spreken eyn luttelchin,
 Jnd verstaet doch die reden myn: 460.
 Des so bidde ich vch hochgeboren,
 An syet diesen boom staet schoen vnd groen
 Jnd wail dat he gebloyt stait,

Syn edel roek die dair viss gaet
 Jn diesen boemgart al. 465.
 Hie stait in so schonen dal,
 Dat he van rechte bloyen moet.
 He is so edel vnd so guyt,
 Dat he vertziert al desen bomgart.
 Off dair queme eyn valcke van hoger art. 470.
 Geflogen vp diesen boem vnd daelde
 Jnd he eyn bloem dair aff haelde
 Jnd dair na nummerme geeyn,
 Noch nie en haelde meer dan eyn,
 Soldet yr den boem dairumb hassen, 475.
 Off tzo kopen dairumb laissen?
 Dat bidde ich vch, dat yr myr saget
 Jnd die rechtuerdicheit sprecht,
 Edel ritter van hoger art.

Die ridder.

O schone wijff, ich verstein vch wail: 480.
 Eyn blome dat en is niet.
 En is niet dair meer tzo geschiet,
 Dairymb en sal ich den boem niet hassen,
 Noch den kop dairumb niet laissen,
 Want he is so schoen gedain. 485.
 Jeh syen dair so mennich bloemgen stain
 Mit groissen heuffen sonder getzael,
 Daer edel frucht aff komen sall,
 Vp dat got gestaden wille.
 Nu doit dair aff eyne stille, 490.
 Jeh hebbe die sachen wail verstein.
 Want myn hertze is so seer beuaen
 Mit vrer liefde, wail reyne frucht:
 Yr syt die myn hertz verhoeket.
 Nu gaen wyr tzo samen tzo mynen haue, 495.
 Jeh meyn dattet schonste sy van loue,
 Dat dair licht in diesem lande.
 Dat setz ich vch tzo den pande,
 Als ich vch sede van tzo voren.

(Hier folgt ein Holzschnitt.)

Dat laiss ich dair. Nu sult yr hoeren 500.
 Van lanslots rouwe, die he krech,
 Do he dair alleyne bleeff
 Vp syner kamer mit groisser ellende.

Lanslot.

Och nu is myn freude eynde,
 Die ich vp dieser erden ye gewan. 505.
 Dat ich sy nyrgens vynden en kan,
 Dat moiss ich nu besueren,
 Och mynre krancke aenturen
 Ouer die lieue schone sandrine.
 Vndanck hait die moder myn,
 Dat ich die worde ye gesprach. 510.
 Myr dochte, dat myr myn hertze brach
 Doe ich sprach dat felle wort.
 Dairumb is sy vp myr gestoert,
 Jnd is myr heimlich vntgaen. 515.
 Dat hefft mynre moder al gedain,
 Dat sy myr die worden spreken dede,
 Nummerme so en haue ich vrede
 Voer dat ich an schouwe dat edel wijff.
 Och ich hain lieff yr reyne lijff, 520.
 So seer, myr duncket, dat ich verswine.
 Jdt is eynde leuen by yr tzo syne,
 Want sy is alte recht reyael,
 Sy is eynde frauwe principael,
 Eyn troesterse van mynre synne. 525.
 Jch en mach gein wijff soe seer mynne,
 Dan ich yr mynne der geliche,
 Jch sal sy doin suechen durch kyrstenriche,
 Off ich sal wysse, wair dat sie sy.
 Wair syt yr, reinont? kompt her tzo myr, 530.
 Myn aller lieffste kamerlinck.

Reynont.

O here, wat is die sach,
 Dair yr alsus mit syt belast.

Lanslot.

Och, myr en was nie so leyde vnrast,
 Als myr nu is tzo deser vre, 535.
 Dat ich die schone creature,
 Sandrijn sus haue verloren.
 Mir dunckt, dat myr myn hertz sal schoren
 Van groisser rouwe, die ich driue.
 Dat ich by mynen synnen blyue, 540.
 Dat is wonder harte groit.
 Jch were vil lieuer halff doet,

Dan ich yr nummerme solde syn.
 Reynont, yr moetet vmb gain syien,
 Off yr haer ergens vynden moecht. 545.
 Nummerme en worde ich verhoecht,
 Vor dat ich yr mit mynen ougen an schuwen.
 Reynont, nu wist doch myns getrouwe
 Vnd saget, dat ich yr sal machen myn bruyt,
 Niet heymlich mer al ouerluyt, 550.
 Ondanck allen mynen magen.

Reynont.

Her ich wil dairumb geen wagen
 Mynen lijff ind geynen arbeit sparen,
 Mer het wair besser leit yr sy varen:
 Dis misselich, hoe sy haer sal bekeren. 555.

Lanslot.

Och yr hertze is so vol eren
 Jnd so edel van gedachte.
 Gaet haestlick alle v macht
 Jnd wart sy soechen west vnd nort,
 Suyd ind oist ind dair tzo vort. 560.
 Tzo der tziyt, dat yr se vint,
 Want myn hertze haer sere mynt,
 Vur alle, die myn ougen ye gesagen. —

Die boschwarder.

Mit recht so mach ich myr wail beclagen,
 Dat ich hier so mennich jair. 565.
 Haue gewandert ver vnd naer
 Jnd hain myns heren boschwarder gewest
 Jnd haue behoet syn foreest
 Jn dieser bosseagie vp diese fonteyne
 Jnd dit gedain hain groiss vnd cleyne. 570.
 Mennigen dach vnd mennige vre:
 Och nie en geuel myr die aenture,
 Dat ich hier wijff gesach,
 Dat ich nu wail beclagen mach
 Noch nie en quam myr in myn gemoit. 575.
 Mer gisteren, do myn her vp stont
 Jnd solde in dat velt varen jagen,
 Jnd wae myn ougen me yn sagen
 Schonre wijff, dat he dair vant.
 He nam sy fruntlich by der hant. 580.

Jnd brachte sy tzo houe mit bliden synne.
 Al hedde sy gewest eyn keyserynne,
 So en mocht sy niet suerlicher syn,
 Geheyschen was sie sandrijn,
 Jnd hait dair aff gemacht syn frauwe. 585.
 Mit recht so mach ich hauen rouwe,
 Dat myr dat nie en mocht geschein.
 Mer trouwen, ich sal dairumb gaen spien
 Vro vnd spaet tzo aller stont,
 Mocht ich soe schone roder mont 590.
 Vangen, ich solde es tzo blyder syn,
 Jnd mit alder hertzen myn
 Got dair aff dancken alle myn dage.
 Nu wil ich myr gaen bergen achter die hage
 Jnd wachten myn geuall vnd aenture. 595.

Reynont.

O Maria, maget pure,
 Nu bidde ich vch vmb eyn guyt gereyt
 Jnd vmb eyn guyt clair bescheyt,
 Tzo vernemen van sandrine.
 Want lanslot der here myn 600.
 Dle is van hertzen soe onstelt,
 Jnd van yrer lieffde so gequelt,
 Dat he nergens geduren mach.
 Want al syns hertzen beclach,
 Js dat he sie hait verloren. 605.
 Jnd he hait by syme ritterschaff gesworen,
 Kan ich sy vinden, he maket sy syn frauwe.
 Want he hait so groissen rouwe,
 Dat he sy alsus verloren hait,
 Dat he in groisser pynen leeftt, 610.
 Jnd al viss gerechter lieffden.
 O got here, mocht ich sy vynden,
 So weer ich blyde in mynen moit.
 Richer got, wie sal myr machen vroet
 Wat die man meynt, die ghener staet; 615.
 He duncket myr hebbe eyn fel gelaet,
 Ynd in syn hant ein colue groiss vnd swair:
 He is seker eyn mordeuær,
 Off myr bedriecht mynen waen.
 Nochtantz wil ich in spreken an, 620.
 Want myr duncket dair sy maer eyn.
 Jch en sach nie man alleyn,

Dair ich mich vur ontsach. —
 Frunt, got geue vch goeden dach,
 Jnd eyn fruntlich morgenstont 625.
 Moiss vch got geuen tzo deser stont
 Jnd moiss blyuen in eyn groet jolyt.

Die boschwarder.

Frunt, got loens v wie ghy syt
 Dat ghy my so fruntlich sprechet an.

Reynont.

Nu berieht my, her guyt man, 630.
 Js hier einich junfrouwe geleden,
 Die frisch was ind schoin van seden?
 Berechtes myr, frunt, off wesen mach.

Die boschwarder.

Jch hain hier gewandert so mennigen dach,
 Dat ich hier nye wijff en sach lijden, 635.
 Tzo voet gain noch tzo perde rijden,
 Jonck noch alt, dats vmmer waer.
 Mer idt is geleden na eyn jair,
 Dat myn her, der ritter goet,
 Vp eynen morgen vro vp stont 640.
 Jnd voer jagen vp diese fonteyne:
 Dair vant he van hertzen reyne
 Eyn jonffrouwe verborgen staen.
 Die hracht he blidelick geuaen.
 He rieff, dat he hadde wail geiaecht, 645.
 Want he hadde geuaen eyn reyne maget,
 Die schone was vnd edel geboren.

Reynont.

Frunt, daie moiss ich meer van horen:
 Jch bidde vch, saget, wie was sy geheyschen.

Die boschwarder.

Frunt, die wairheit sult yr wissen: 650.
 Sy is geheischen sandryn.
 Sy en mach niet frisscher syn
 Noch bat gemaket van yren lyue:
 Sy en gelichet geynen wijue,
 Die he in dem lande gesessen sy: 655.
 Want sy is schone vnd guyt dair by;

Jnd hait dair aff gemachet syn frauwe,
 Want sy is ym also getrouwe,
 So gehoorsam ind onderdaen,
 Jnd alle, die myn here bestain, 665.
 Die hain sy lieff vmb yr doecht.
 Jdt is alle gader by yr verhoecht,
 Dat den houe tzo behort.

Reynont.

Nu wil mich got beraden vort,
 Dat id is die junffrauwe, die ich meyn. 665.
 Jeh haue gesocht die frauwe reyn
 Mennich myle in mennich lant,
 Mer nie en quam ich, dair ich sy vant,
 Noch soe schoen bescheit, als yr myr doet.
 Och lieue frunt, nu machet myr vroet, 670.
 Hoe sal ich sy mogen spreken.

Die boschwarder.

Och lieue frunt, dat moiss vch gebrechen
 Tzo spreken tegen die jonffrauwe myn,
 Jdt moiss by myner hulpen syn,
 Want ich byns mit yr geloefft. 675.
 Jch bin ouch van den knechten dat hoefft,
 Die myn here vnthalden hefft.
 Jst sache, dat yr myr gefft
 Eynen drinck penninck vnd salfft myr die hant,
 So sult yr se spreken eir yet lanck 680.
 Also vil, als vre hertz begert.

Reynont,

Eynen penninck is geriss vertzert
 Jnd geriss qualichen ouer gebracht.
 Loept ind haest vch alle vre macht
 Jnd doet myr spreken sandrijn. 685.
 Halt, dair synt tzween penninge guldin,
 Jnd saget yr mit worden strack,
 Dat hier is eyn bode viss denmarck,
 Die sy mit haeste spreken moet.

Die boschwarder.

Nu wil ich gain louffen mit der spoet 690.
 Jnd sal sy brengen tzer stont mit myr. —
 O edel frauwe van hertzen fry,

Jch bidde vch fruntlich, kompt tzo myr:

Buten staet eyn bade fier,

Die vch mit haeste spreken moet. — 695.

Reynont.

O edel frauwe getrouwe in got,

Got der alle dinck vermach,

Die moet vch geuen guyden dach,

Schone junfrauwe Sandrijn.

Sandrine.

Reynont, wilkoem moist yr syn, 700.

Saget myr wat is vre begert?

Reynont.

Dat sal ich vch sagen, frauwe wert,

Dat yr varen moist mit myr,

Want lanslot, der here vry,

Hait vch doin soechen ouer al, 705.

Jnd dat leste, dat he myr beual,

Dat was off ich vch vynden mochte,

Edel frauwe, dat ich vch vur mich brachte:

He sal vch seker machen syn bruyt.

Sandrine.

Reynont frunt, dat spel is viss. 710.

Saget, dat he eyn ander begynne,

Want ich en gaff vmb lanslots mynne

Nied eyn gras, dat viss der erden gaet.

Reynont.

O schone sandrine, yr sult syn staet

An syen ind syn swaer misual: 715.

Het en was nie synt, he en quall,

Edel wijff, synt dat he vch verloes,

So hait he gequalen altoes

Jnd gelefft in pynen groit.

Jdt sal ym vurwair geuen den doit, 720.

Jst dat he vch niet en gewint,

Want ich weiss wail, dat he vch mynt

Bouen alle, die nu synt geboren,

Jnd he hait by syner ritterschaff gesworen,

Als he van vch vernom off weyt, 725.

Al wert alle synen magen leyt,

Yr sult siecher werden dann syn wijff.

Sandrine.

Reynont, dat moiss syn eyn blijff.
 Want ich byn wail, dat myr niet en rouwet.
 Jch hain nu eynen man getruwet, 730.
 Den hain ich lieff bouen al vp erden,
 Jnd ym en wil ich niet begeuen:
 Al were lanslot also rich,
 Dat he were hectoers van troyen gelich
 Jnd hedde van gode tzo lone, 735.
 Dat he droich die selue krone,
 Die koeninck alexander droech:
 So en were he myr niet guyt genoich.
 Jch hain vil lieuer mynen man,
 Die myr aller doegent gan: 740.
 Die sal ich ewelich syn getrouwe.

Reynont.

O sandryn, wail schone frauwe,
 En mach he doch gewynnen niet,
 So moiss he ewelich int verdriet
 Blyuen ind in pynen staen: 745.
 Det yr diesen huwelick hait gedain.
 Dat mach vch rouwen alle vre dage,
 Want lanslot, die edel here,
 Had vch sicherlich getrouwet.

Sandrine.

Reynont, dat is dat myr niet en rouwet 750.
 Noch nummerme rouwen en mach,
 Want ich nie vp erden en sach
 Den ich siecher mer doechden gan,
 Dan ich doe mynen lieuen man.
 Dis recht, want he is wert, 755.
 Want he is eyn ridder wyde vermert
 Jnd ouch eyn man van hogen mode,
 Wail geboren vnd rich van goede
 Jnd geradich ind dair tzo guyt:
 Dairumb is das ich in lieff hauen moiss, 760.
 Jnd van doechden doin bekint
 Want myn hertz yn mit trouwen mynt
 Bouen allen ertschen creaturen.
 Nu en wil ich hier niet langer duren:
 Reynont, nu vart mit haste seer 765.
 Jnd saget lanslot, vren heer,
 Dat he nummerme pense vmb myr.

Reynont.

O edel frauwe van hertzen vry,
 Na den dattu dus wesen moet,
 So bidde ich vch edel frauwe guyt 770.
 Vmb eyn litteyken, dat ich mach
 Mit der wairheit sagen, dat ich vch sach
 Jnd gesprochen hain vnd gesyen.

Sandrine.

Reynont frunt, dat sal vch geschien.
 Jch sal vch geuen principael 775.
 Eyn litteyken, verstaat my wail,
 Yr solt sagen den ritter vry,
 Das ich jnd he stonden
 Jn eynen schonen bomgart.
 Dair quam ein valck van hoger art 780.
 Jnd floich neder vp eyne garde.
 Die edel boem van hogen werde,
 Die schon mit yren blomen stoet:
 Dat sult yr sagen den ritter goet,
 Vnd dat die valcke, die duir quam, 785.
 Eyn blome van dem garde nam:
 Jnd alle die anderen liess he stain,
 Syn vederkyns gienck he neder slaen,
 Jnd floich hyn mit haste groit:
 Dat solt yr sagen den edelen genoit. 790.
 Jnd kurtz so quam der valcke weder
 Jnd suchte die garde vp vnd neder,
 Mer he konde sie geunden niet:
 Des hadde die valcke swaer verdriet,
 Dat he die garde niet en vant: 795.
 Dat solt yr sagen den koenen wigant.
 He sal vch gelouen van den,
 Dat yr mich gesprochen hait vnd gesien,
 Als yr jm dese tale ontbint.
 Nu hain ich mynre rede volent. 800.
 Reynont, got moiss vch bewaren. —

Reynont.

O got here, nu moiss ich varen
 Jnd die schoin sandrijn achter laissen.
 Nu byn ich belast visser maissen,
 Wie ich mynre boetschaff sagen sal. 805.
 Sage ich ym die wairheit al,

Dat sy leeft vnd is gesont:
 Jch weiss wail, dat is vns allen kont,
 Dat he sal hauen willen dat schone wijff,
 Al solde ym kosten ouch syn lijff 810.
 Jnd alle die ghene, die yn bestaen,
 Jnd den vierde lede an gaen,
 Dat solde he dairumb auturen,
 Dair solde mennich vmb besweren
 Den doit, dat weiss ich wail tzo yoren. 815.
 Nochtantz so bleyff der arbeit verloren,
 Want he en mach sy gewinnen niet
 He solde ym seluer in verdriet
 Bringhen ind daitzo groisse heren.
 Jch sal myn sprake gain verkeren 820.
 Jnd sagen, dat sy is doet. —
 Wair syt yr, hoich geboren genoit
 Van denmarecken lanslot?

Lanslot.

Syt wil kome, lieue reynont,
 Gode wilkome moist yr syn! 825.
 Hebt yr och van sandrijn
 Yet vernomen, dat saget myr!

Reynont.

O edel here van hertzen vry,
 Jch haue gesocht in menich lant,
 So lange, dat ich die frauwe vant 830.
 Jn eyn stat, die hiesch rynast:
 Dair jnne is die junffrauwe gepast
 Jnd is in affriken geleden.
 Lanslot here, vry edel degen,
 Dair vant ich dat reyne wijff, 835.
 Dat yr koste yr reyne lijff,
 Do sy van vch hoirde gewagen.

Lanslot.

Reynont, dat syn al sagen.
 Jch hoer wail, dat yr myr lieget.
 Jch wil dat yr mich niet en bedrieget. 840.
 Yr en saget myr die wairheit clair.
 Broecht yr myr eyn litteyken van dair,
 Tzo det solde ich geleuen dan.

Reynont.

Och lanslot hoech geboren man,
 Jch sal vch sagen principael 845.
 Eyn litteyken proper vnd reaël,
 Dat sy myr gaff, die frauwe, int scheidyden.
 Sy seyde myn, dat yr mit vch beyden
 Stont in eyn schoen boemgart,
 Dair eyn valck stont van hoger art 850.
 Jnt beyss neder vp eyne garde,
 Die edele boem van groisser waerde,
 Die schon mit yren blomen staint:
 Dit hiesch mich sagen die, ridder guyt.
 Jnd die valck, die dair quam, 855.
 Eyn blome van dem garden nam,
 Jnd alle die anderen liess he stain,
 Syn vederkyns gienck he van ym slaen
 Jnd floich hyn mit haeste groot:
 Dit sede myr die hoich geboren genoit. 860.
 Jnd dairna quam der valck weder
 Jnd socht die gaerde vp vnd neder,
 Mer he konde sy geuynden niet.
 Des brochte die valcke swaer verdriet,
 Dat he die garde niet en vant. 865.
 Dit litteyken, koene wigant,
 Gaff myr die frauwe vry,
 Jnd doe keirde sy yr anschijn
 Vnd sprach dairna niet meer.

Lanslot.

O hemelsche koeninc, geweldich her, 870.
 Dat is eyn litteyken proper vnd guyt,
 Dair by dat ich geleuen moet.
 Nu saget myr, reynont, is sy dan doit?

Reynont.

Ya sy, hoich geboren genoit,
 Jnd begrauen in die erde. 875.

Lanslot.

O sandrin, yr wart die gaerde,
 Die schoin mit yren blomen stoent.
 Jnd die valcke des byn ich vroet,
 Die eyn bloem dair aff nam.
 Want myr nie synt freude quam, 880.

Sint haint ich gequalen altoes.
 O vissuerkoren frauwe myn,
 Alle freude is myr pyn,
 Die ich vp erden^y gesach.
 Mit rechte roiff ich o we! o wach! 885.
 Ouer die moder, die mich droech.
 Want yr hertze in freuden loech,
 Do myr sy gaff den valschen raet.
 O we der bitter dait
 Jnd der jamerlicher moert, 890.
 Do sy myr spreken dede dat wort,
 Dair ich by verloes dat reyne wijff,
 Dat myr vnd yr sal kosten dat lijff.
 Want myn hertz is tzo mail doerboert,
 Jeh wolde, dat myr steche der mont, 895.
 Jnd ich des leuens hedde eyn ende,
 Want werwert dat ich mich kere off wende,
 So blijff ich altoes troisteloes.
 Die ich mit goeder hertzen koes,
 Heb ich mit valschen rade verloren, 900.
 Des hait myn hertz so groissen tzorn,
 Dat ich myr brechen sal van rouwe.
 Jeh hoep, dat ich sy in hemelrich sal schowen.
 Dairumb wil ich steruen oitmoedelich.
 O almechtich got van hemelrich, 905.
 Wan dat leuen is mit myr gedain.

Conclusie.

Yr mechde, knapen, wijff ind man,
 Nu nemt hier exempel van:
 So we dat mit trouwen mint,
 Als he syn lieffde vynt, 910.
 He sprach hoesch dair van,
 Want van denmarcke die edelman
 By qualich spreken vnd valschen rade
 Js he gekomen in groisse schade
 Jnd is he gestoruen die bitter doit: 915.
 Got helpe die sele viss alre noit.
 By dit exempel sollen wyr verstaen,
 Dat die lieffde der werlt mach vergaen.
 Mer hait lieff got van hemelrich,
 Dus willen wyr die werlt laissen gelyden 920.
 Jnd lieff gode tzo allen tzijden,
 Jnd bidde maria die maget fyn,

Dat sy vnse hulpe wil syn,
 Dat wyr die lieffde so moissen dragen,
 Dat wyr gode mode mogen behagen. 925.
 Dat gan vns der hemelsche vader:
 Nu saget amen alle gader.


Hier endet eyn genoichliche historie van
 die edele lanslot in die schone Sandrine.

Anmerkungen.

(Den Goudaer Druck bezeichne ich mit B, das Manuscript in der Brüsseler Nationalbibliothek mit A und unsern Druck mit C.)

B. 5. d. h. auf ein so geringes Mädchen gerichtet habe. — B. 15 hat B saen „sogleich“ statt gayn. — B. 17. nach dem französischen *églantier*, ein Wildrosenstrauch. — B. 28. A. werde B. wort C. wert. — B. 44. d. h. es muß ein Weiben sein, es muß damit sein Bewenden haben. — B. 48. B. statt veh steht spient, „trügt“, darauf reimt 49. — B. 60. Magd, Mädchen. — B. 67. Habe, Vermögen. — B. 68. Verwandten, Herkunft. — B. 70. bescholten. — B. 79. erfreuen, ansprechen. — B. 84. spelen gaen, zum Spiel, zum Vergnügen gehen, lustwandeln. — B. 101. seinen „Gebrauch“ mit mir machen, mich mißbrauchen. — B. 112. erspähen, aufslauern. — B. 117. Aufstoß nimmt. — B. 120. doecheden von demselben Stamme wie „Laugen“ Gutes. — B. 121. B. hat werwaerts dat ghi u henen keert. Darauf folgt im folgenden Verse der Reim beseert. — B. 130. Zustand. — B. 131. gleich réel, i. S. hat eine so tüchtige, feste Grundlage. — B. 142. fehlt in B., wohl aber hat A. ihn: Lanseloot, bi der maghet Marien. — B. 149. pynoes hält Hoffmann für das französische *épineux*? A. hat preus, muthig, B. pinoos. — B. 155. wat gleich quodocunque. — B. 156. gut vorsehet. — B. 159. geboeren, wie B. gheburen, geschehen. — B. 160. schoeren, B. scuren, kommt es von scoren zerreißen, Hoffmann, *hor. belg.* VII, 13. B. 299? Wahrscheinlich hängt es aber mit dem noch in Köln üblichen Worte Schores, Prügel zusammen. — B. 161. C. hat deucket. wan, woher. — B. 167. danek Gutfagung, Gutfassung. — B. 176. Gemüth, Gefinnung, Denkweise. — B. 182. beachtet nicht, fragt nicht nach. — B. 190. B. hat anstatt deyt richtiger liet. — B. 202. honen hofiren, zärtlich thun. — B. 211. Schinken, Speck. A. hat al haddie seven baken gheten. — B. 232. A. und B. haben anstatt beuelen gheloven. B. 235. darnach hat B. noch den Vers al esset dattet mijn herte deert — B. 241. voeck gleich voocht. B. — B. 249 und 250 fehlen in A. und B. —

B. 277. stricken kommen, gehen — also in den Gang bringen? Vergl. Hoffmann H. B. V. S. 107, 111, oder heißt es „Schlinge“? Beides gibt einen Sinn. — B. 297. Mittheilung. Noch jetzt im Hochdeutschen: „Es wurde einem bedeutet, daß“ u. s. w. — B. 323. Herzweh, Herzleid. — B. 325. dwalen gleich dolen B. — B. 348. spoit mit sputen zusammenhängend gleich Gebeihen, eine gesegnete Jagd. — B. 331. schämen; noch im Neuniederdeutschen gebräuchlich: verschimpfiren. — B. 357. Hülfe verschaffen. — B. 359 wie 338, in B. ghinder. — B. 396. hierherbestellt. Hoffmann. — B. 398 nach Hoffmann: wäre er auch noch von so großer Macht, ich spreche euch um so eher an. — B. 414 zusammen. — B. 422 fehlt in B.; in A. steht anstatt dessen: ghi en saecht noit so scone juweel. — B. 429. flammt. — B. 430. wohl gestaltet: wel gheracot: B. — B. 458. Park. — B. 464. rocke gleich roke B. Geruch. — B. 471. von dal nieder, also sich darauf setzen. — B. 487. B. hopen. Haufen. — B. 499. zieht Hoffmann zum folgenden — aber offenbar mit Unrecht. — B. 507. sauer, bitter ertragen, hart beklagen. — B. 508. verfehlt. — B. 514. störrisch, erzürnt gegen mich geworden. — B. 521. vergehn. B. 550. fehlt in B. und in A. — B. 578. hat B. verständlicher: ic waen, myn oghen nie en saghen. — B. 581. bliden fröhlich. Vergl. Begyngyn van pariss 11, 4. — B. 588. spähen. — B. 597. Rath. — B. 603. aushalten, ertragen. — B. 614. Auskunft geben. Vergl. 670. — B. 708. hat B. voor hem. — B. 747. Heirath. — B. 756. von maere, weitberühmt. — B. 761. bekennt. B. — B. 771. ein Zeichen zur Beglaubigung. — B. 781. in B. gaerde, Gerte, Zweig. — B. 814. B. hat besuren, erleiden. — B. 831. A. hat Rawast. — B. 838. Märchen, Lügen. Vergl. Hoffmann, H. B. VI. 206. — B. 864. doochde. B. — B. 868. Ungezicht. — B. 874. legt C. Lanstot in den Mund, aber mit Unrecht, wie auch A. und B. beweisen. — B. 878. B. hat: ende ic die valcke, des u. s. w. — B. 880. vrochde. B., ebenso 883. und 887. — Nach B. 905. hat B. noch den Vers: nu wilt haer siel ende mijn ontfaen. — B. 911. emendirte Hoffmann hoese in hoofse. — B. 910. hat B. te wille vint, ebenso A.: te wille ghewynt. — Nach B. 919. hat B. noch: die en sal ons niet beswiken.



Faint, illegible text, likely bleed-through from the reverse side of the page. The text is arranged in several lines and is difficult to decipher due to its low contrast and blurriness.




Image Engineering Scan Reference Chart T593 Serial No.

487

the scale towards document

